

ХАЛ ҚИЛУВ ҚАРОРИЗ-32

2004 йил 20 март

Фарона шаҳри

Жиноят ишлари бўйича Фарона вилоят судининг судьяси А.Очилов, А.Бурхоновнинг котиблигига жиноят ишлари бўйича Риштон туман судининг раиси П.Ю.Умирзақовнинг 2003 йил 12 сентябрь кунги Таджибоева Мўътабар Ибрагимовнага нисбатан юритилган маъмурий иш бўйича чиқарган қароридан М.И.Таджибоеванинг норози бўлиб келтирган шикоятига асосан ишни кассация тартибида кўриб чиқиб, қуидагиларни

АНИҚЛАДИМ:

Судьянинг қарорига кўра,

Таджибоева Мўътабар Ибрагимовна, 1962 йил 25 августда Марғилон шаҳрида туғилган, миллати ўзбек, маълумоти ўрта-максус, Ўзбекистон Республикаси фуқароси, оиласи, 1 нафар фарзанди бор, депутат эмас, партиясиз, муқаддам судланмаган, «Ўтюраклар» клубининг раҳбари, Марғилон шаҳар, Зухро кўчаси, 31-үй, 31 хонадонда яшайди.

Маъмурий хуқуқбузарлик аломатлари йўқлиги сабабли унга нисбатан Узбекистон Республикаси МЖТК 201-моддасининг 1-қисми билан юритилган маъмурий иш харакатдан тугатилган.

М.И.Таджибоева суд қароридан норози бўлиб, ёзган кассация шикоятида биринчи босқич суди иш холатларини тўлиқ текширмасдан, ўзини иштирокисиз ишни кўриб қарор чиқаргани учун бу ноқонуний қарорни бекор қилиб, қалбаки хужжатлар тузган Олтиариқ туман ИИБ раҳбар ходимлари харакатига баҳо бериш учун хусусий ажрим чиқаришни сўраган.

Маъмурий иш материаллари билан танишиб чиқиб, қуидаги сабабларга кўра, судьянинг қарорини ўзгаришсиз қолдиришни лозим топдим.

Суриштирув органи томонидан М.Таджибоева 2002 йил 14 октябрь куни соат 10 ларда тегишли рухсатнома олмасдан Олтиариқ туман суди биноси олдида намойиш уюштириш тартибини бузиб, Ўзбекистон Республикаси МЖТК 201-моддасининг 1-қисмидаги қайд этилган хуқуқбузарликни содир этган деб маъмурий баённома тузилган.

Суд мажлисига гувоҳлар М.Казаков ва Р.Мадбобоевлар 2002 йил 14 октябрь куни соат 10 ларда М.Таджибоева 10-15 кишидан иборат одамлар билан бирга Олтиариқ туман суди биноси олдида пикет уюштиранлигини, уларнинг қўлларида хокимият, суд, прокуратура



ходимларидан норози бўлиб ёзилган плакатлар бўлганлигини айтиб кўрсатма берганлар.

М.Таджибоева ва бошқаларнинг харакатларини кўча юришлари ёки намойишлар уюштириш деб баҳолаб бўлмайди. Уларнинг пикет ўтказиш, ўзларининг шахсий фикрини кўргазма (плакат) лар ёки бошқа усусларда билдиришлари Ўзбекистон Республикаси МЖТКда маъмурий хуқуқбузарлик деб талқин қилинмаган.

Шу сабабли судья М.Таджибоеванинг харакатларида Ўзбекистон Республикаси МЖТК 201-моддасининг 1-қисмида қайд этилган маъмурий хуқуқбузарлик аломатлари йўқ деб баҳолаб, маъмурий ишни иш юритищдан тугатиб, иш бўйича тўғри қарор чиқарган.

М.Тожибоеванинг келтирган важларини мухокама қилиб, суднинг қарорини қонуний ва асосли деб ўзгаришсиз қолдириш билан бирга йўл қўйилган қонун бузарлик юзасидан тегишли идора раҳбарларига тақдимнома киритиши лозим топдим.

Юкоридагиларни инобатга олиб, Ўзбекистон Республикаси МЖТКнинг 321-моддасига биноан,

КАРОР КИЛДИМ:

Жиноят ишлари бўйича Риштон туман судининг 2003 йил 12 сентябрдаги Таджибоева Мўътабар Ибрагимовнага нисбатан чиқарган қарори ўзгаришсиз, М.Таджибоеванинг келтирган шикоят аризаси қисман қаноатлантирилсин.

Жиноят ишлари бўйича

Фарғона вилоят судининг судьяси

имзо

А.Очилов

Қарор нусхаси аслига тўгри деб,

Жиноят ишлари бўйича

Фарғона вилоят судининг судьяси



А.Очилов